

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-496/26
Vareš: 07.04. 2026. godine

Na osnovu člana 15. stav 1. Zakona o mladima FBiH („Službene novine FBiH“, broj 36/10), člana 33. Statuta Općine Vareš - prečišćeni tekst, broj: 01-162/12 od 11. 09. 2012. godine, te člana 4., 5., 6. i 7. Pravilnika o vođenju spiska omladinskih udruženja na području Općine Vareš, broj: 02-412/26 od 25.03. 2026. godine, Općinski načelnik objavljuje:

JAVNI POZIV

omladinskim udruženjima za upis u spisak omladinskih udruženja/neformalnih grupa Općine Vareš

I

Pozivaju se omladinska udruženja koja imaju sjedište ili registriran ured na području općine Vareš i neformalne grupe da izvrše upis u spisak omladinskih udruženja/neformalnih grupa općine Vareš.

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih (od 15 do 30 godina), čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa Zakonom na osnovu kojeg je registrirano. Međunarodna udruženja ne mogu dobiti status omladinskog udruženja ako nisu registrirana u Bosni i Hercegovini.

„Neformalna grupa mladih“ općine Vareš jeste grupa čije dvije trećine članstva čine mladi ljudi koji imaju prebivalište na području općine Vareš i čije su aktivnosti podržane od Općine.

Neformalne grupe mladih trebaju imati administrativnu podršku nekog omladinskog udruženja s područja općine Vareš.

III

Omladinska udruženja koja žele predlagati projekte za mlade ili biti član Vijeća mladih općine Vareš dužna su se upisati u spisak omladinskih udruženja Općine.

IV

Omladinska udruženja koja su upisana u registar koji vodi nadležno ministarstvo pravde podnose zahtjev za upis u spisak omladinskih udruženja. Zahtjev za upis u spisak podnosi se Službi za opću upravu, društvene djelatnosti i boračko-invalidsku zaštitu. Zahtjev za upis u spisak potpisuje osoba ovlaštena za zastupanje i predstavljanje omladinskog udruženja.

adresa: Zvijezda 34, 71330 Vareš
identifikacijski broj: 4218285300002
depozitni račun: 3380002210017420

tel.: 00387 32 848 100; **fax:** 848 150
web: www.vares.info
e-mail: vares@bih.net.ba

Zahtjev se prema vrsti podataka koji se unose, sastoji od tri dijela, i to:

- a) podaci o omladinskom udruženju;
- b) podaci o licu ovlaštenom za zastupanje i predstavljanje;
- c) podaci o upravnom odboru i skupštini.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koji se podaci odnose.

Uz zahtjev za upis u spisak omladinskog udruženja prilaže se:

- rješenje o registraciji;
- osnivački akt;
- statut.

Uz zahtjev za upis u spisak neformalnih grupa mladih prilaže se:

- dokaz o prebivalištu svih članova neformalne grupe.

Prilozi se podnose u originalu ili ovjerenj fotografiji.

V

Obrasci se popunjavaju na računaru, a mogu se pronaći na oficijelnoj web stranici Općine Vareš, na kojoj je dostupan i Pravilnik o vođenju spiska omladinskih udruženja i neformalnih grupa na području općine Vareš.

Prijava sa navedenom dokumentacijom podnosi se Službi za opću upravu, društvene djelatnosti i boračko-invalidsku zaštitu putem pošte ili putem protokola.

VI

Služba će nakon zaprimljenog zahtjeva cijeliti da li udruženje koje je podnijelo zahtjev ispunjava uvjete koji su propisani Pravilnikom o vođenju spiska omladinskih udruženja i neformalnih grupa na području općine Vareš. Ukoliko udruženje koje podnese zahtjev ispunjava uvjete koji su propisani Pravilnikom o načinu vođenja omladinskih udruženja i neformalnih grupa, Služba će izdati potvrdu o upisu u spisak omladinskih udruženja, u suprotnom Služba će donijeti zaključak kojim se odbacuje zahtjev. Neformalnim grupama mladih se ne izdaje potvrda o upisu u spisak neformalnih grupa mladih.

VII

Ovaj Javni poziv biće objavljen na oglasnoj ploči i web stranici Općine Vareš i stalnog je karaktera.

